

Decisiuns dalla radunanza communal digl cumegn da Surses

La radunanza communal digls 27 da matg 2019 ò

- accepto cun 83 cunter 23 vuschs la proposta or dalla radunanza communal da manar sot scrutini la votaziun concernent la dumonda da credit per cumprar igl bietg dalla telecabina viglia e diversas parcelas a Schinect e Ferbra, Savognin, an possess dalla Pendicularas Savognin SA.
- nego cun 112 cunter 31 vuschs la proposta dalla suprastanza communal da conceder en credit da fr. 975'000.00 per cumprar dalla Pendicularas Savognin SA igl bietg dalla telecabina viglia e diversas parcelas a Schinect e Ferbra, Savognin.
- concedia cun 144 vuschs e sainza cuntervusch la lubientscha agls conjugals T. e R. Amacher da cumprar ena surfatscha da 959 m² giu dalla parcella da biagier nr. 5201, Badogna, Cunter, per la construcziun d'ena tgesa d'abitar. La compra vign lubeida alla basa dalla «lescha per la cunsigna da taragn da biagier an dretg da biagier e per la vendita da taragn da biagier», digl anteriour cumegn da Cunter.
- accepto cun 112 cunter 13 vuschs la proposta or dalla radunanza communal da betg tractar la lescha d'alps, pastgiras e prada digl cumegn, cun l'incumbensa alla suprastanza da surluvrar chella e da la sottametter ad otra caschung alla radunanza communal per approvaziun.
- piglia cunaschientscha dallas expectoraziuns davart igl project dalla sanaziun totala e digl angrondamaint dalla tgesa da scola Grava a Savognin.
- piglia cunaschientscha da diversas infurmaziuns.
- accepto cun 103 cunter 9 vuschs la proposta or dalla radunanza communal tgi pretenda dalla suprastanza d'elaborar en maletg directiv pigl cumegn da Surses. Tenor art. 22 dalla constituziun communal ò la suprastanza da sottametter chella moziun alla radunanza communal ainfra 6 meis ansemen cun en pareri.

Tinizong, igls 28 da matg 2019

La suprastanza communal Surses